

ROMANORUM. FRANCORUM. ANGLORUM.

servat predictum juvenem regem et regnum ejus, usquequo perveniat ad perfectam etatem. Obiit Bartholomæus vir venerabilis episcopus Exoniensis. Obiit Jocelinus Saresberiensis episcopus. (Nov. 24.) Obiit Lucius papa Romanus, cui successit Imbertus Mediolanensis archiepiscopus, vocatus Urbanus tertius⁴⁹⁹. Donnus Walterus Rothomagensis archiepiscopus impetravit a domino nostro Henrico rege Anglorum, ut abbatia sancti Ekerii, que est in insula Gersosii, quam Willermus filius Hamerici fecerat in eadem⁵⁰⁰ insula, consilio et auxilio donni regis jangeretur abbacie de Voto, que est juxta Cesarisburgum, quam imperatrix mater Henrici regis edificaverat. Erat autem tripliciter ditior tam in Normannia quam in Anglia, quam abbatia de Voto. Erat vero utraque de ordine canonicorum regularium. Facta est itaque abbatia de Voto mater et caput, habens et perbenniter possidens abbatiam de Insula et omnia sibi pertinentia. Predictus vero archiepiscopus Rothomagensis fecit in eadem abbatia abbatem suum capellanum, qui erat canonicus ejusdem ordinis. Quidam enim constabularius donni regis Henrici, Osbernus de Hosa nomine, qui castrum Cesarisburgi cum patria que ad illud pertinet, custodiebat, jussu donni regis Henrici edificavit in

A eadem abbatia de Voto domum pulcherrimam, officinas idoneas in se continentem, ad opus suum; in qua post amministrationem donni regis, quandiu vixit, satis honeste conversatus est. Ipse vero ante octo dies mortis sue factus⁵⁰¹ [canonicus, permissione donni regis eidem abbacie dedit 32 marcas auri; dedit etiam predictæ abbacie 100 libras Cenomanensium, ad augendas possessiones ejusdem abbacie; dedit etiam eidem abbacie 60 marcas argenti in plata, et totidem in vasis. Predictus archiepiscopus transtulit magistrum Willermum Hubaudum, qui erat abbas Grestensis et monachus Becci, ad abbatiam sancti Martini Pontisare, quamvis abbatia Grestem tripliciter esset ditior quam illa. Sed propter affinitatem vel familiaritatem, quam habebat erga illum, et quia erant compatriote, voluit ipsum habere juxta se.

1186. *Fredericus 34. Philippus 5. Henricus 32.*

Donnus Henricus rex tenuit curiam suam ad natale apud Donnumfrontem. Henricus de Brachavilla, superior Toarni, factus est abbas Sagiensis. Apud urbem Parisiorum, in quodam monasterio sancti Stephani protomartiris, inveniuntur reliquie de capillis sancte Marie 32, brachium sancti Andreæ apostoli, caput sancti Dionisii martiris, ejusdem urbis episcopi.]

VARIE LECTIONES.

⁴⁹⁹ *Pæst hæc tres lineæ erasæ in E. papa Romanus 187^{us} addit 8^h. ⁵⁰⁰ H. f. i. e. in rasura. ⁵⁰¹ Hic desinit E. in imo folio tertio ternionis; quartum et quintum, quæ finem operis continebant, jam sunt deperdita. At 8^h. ostendit, cum illis foliis perpanca tantum interitisse; exhibet enim ea, quæ uncinis inclusa hic dedimus; quæ Roberti esse, dubium non videtur. Simul autem apparet, in voce episcopi Roberti opus concludi, eaque, quæ tunc in 6^h. sequuntur annorum 1187-1210, ab alio auctore cœvo, Gemmeticensi ut videtur, fuisse adjuncta.*

MONITUM

IN LIBRUM DE SCRIPTORIBUS ECCLESIASTICIS

Hist. litt. de la France, t. IX, p. 543.)

Un ouvrage fort célèbre de Sigebert est son traité *Des écrivains ecclésiastiques*, ou, comme il le nomme lui-même, *Des hommes illustres*. L'auteur en conçut le dessein sur le modèle et à l'imitation de saint Jérôme et de Gennade, prêtre de Marseille, qui en avaient composé de semblables. Il y mit la main à différentes reprises, comme à sa Chronique, et ne le finit qu'en 1111. Aussi y a-t-il fait entrer les écrivains de son temps qui étaient venus à sa connaissance. On y en compte en tout jusqu'à cent soixante-onze, en l'y comprenant lui-même; car il ne s'y est pas oublié à l'exemple de saint Jérôme et de Gennade, qui en ont usé de même, et qu'il s'était proposé d'imiter. Son article est le plus prolix, le mieux détaillé, et par conséquent le plus intéressant. Cela devait être ainsi, tant parce qu'il avait beaucoup écrit, que parce qu'il était plus au fait de ce qui le concernait que de ce qui regardait les autres. Il dit fort peu de chose de sa personne, mais il entre dans un grand détail de ses écrits.

Quelque estimable au reste que soit ce traité, ou plutôt ce catalogue d'écrivains, en ce qu'il nous en a conservé la connaissance de plusieurs, et d'un plus grand nombre encore d'ouvrages, laquelle nous aurait été dérobée sans ce secours, il a néanmoins ses défauts, et de plus d'une sorte. Non-seulement l'auteur est trop succinct sur ce qu'il nous apprend de la plupart de ses écrivains, mais il a négligé même très-souvent de caractériser leur personne et les productions de leur plume. On s'aperçoit sans peine que son dessein était d'y observer l'ordre chronologique; mais il n'a rien moins été qu'exact à l'y suivre. Ses fautes en ce point sont quelquefois énormes. Il place, par exemple (c. 119, 126), entre les écrivains du ix^e siècle, saint Césaire, évêque d'Arles, et Laurent de Novare, qui florissaient dès les premières années du vi^e. Le patrice Dynamis (c. 114) qui appartient à la fin du même siècle, ou tout au commencement du suivant, est renvoyé entre les auteurs du x^e siècle. Au contraire, Raoul Glaber (c. 50), qui n'est que du xi^e, tient place entre saint Grégoire, évêque de Tours, et saint Isidore de Séville, qui sont du vi^e. Ces exemples suffisent pour faire connaître l'inexactitude chronologique de Sigebert. A l'égard de son défaut de critique, il est pardonnable à un auteur qui a écrit en un siècle où cette science était extrêmement rare.

Nous avons trois éditions de son traité *Des hommes illustres*. La première est due au travail de Souffroi

Petri, qui le publica en 1580, à Cologne, chez Materna Cholin (*Bib. Maj. Mon.*). Le volume est in-8°. L'éditeur a réuni à ce traité ceux de saint Jérôme, de Gennade, de saint Isidore, d'Honoré d'Autun et de Henri de Gand sur le même sujet (*Bibl. S. Vinc. Cent.*). En 1639 Aubert le Mire en donna une autre édition, avec les mêmes bibliographes, auxquels il associa saint Ildefonse. Cette édition a été faite à Anvers, chez Jacques Mesius, en un petit volume in-folio. Enfin Fabricius (*ibid.*) en a publié une dernière édition dans laquelle il a fait entrer les bibliographes précédents et plusieurs autres. Ce recueil, qui forme un gros volume in-folio, et dans lequel le texte de Sigebert est accompagné des scolies dont le Mire l'avait orné dans son édition, a été imprimé en 1718, à Harbourg, chez Chrestien Leibezeit et Théodore-Christophe Felginer avec le titre de *Bibliothèque ecclésiastique*.

SIGEBERTI

LIBER

DE SCRIPTORIBUS ECCLESIASTICIS

(FABRIC., *Bib'ioth. eccles.*, p. 93.)

CAP. I. Marcellus, Marci, præfecti urbis Romæ, filius, ex discipulo Simonis Magi discipulus beati Petri apostoli, conflictum apostolorum Petri et Pauli cum Simone Mago, cui assiduus interfuit, rogatu Christianorum, qui non interfuerant, fideliter conscripsit, et Ecclesiis Dei, prope vel procul positus, legendum concessit. Ad sanctos Nereum et Achilleum, pro Christo in Pontiana insula relegatos, scripsit de miraculis actibus beati Petri et Pauli, et de magicis artibus Simonis Magi. Scripsit de obitu sanctæ Petronillæ virginis, filiæ beati Petri apostoli. Scripsit de passione sanctæ Feliculæ virginis et martyris. Scripsit de passione sancti Nicomedis presbyteri martyris.

CAP. II. Joannes, qui et Marcus, ex ministro sacerdotis Jovis minister Pauli apostoli, scripsit passionem Barnabæ apostoli.

CAP. III. Polycrates passionem sancti Timothei apostoli scripsit (720), et alia multa.

CAP. IV. Dionysius, Athenis natus et eruditus, et a pago Atheniensi, qui dicitur Arios pagos, Areopagita denominatus, et a Paulo apostolo ad fidem Christi conversus, multam multa scribendo acquisivit sibi memoriam. Quem prætermissum esse ab Hieronymo et Gennadio in Catalogo illustrium virorum, nimis est mirandum, præsertim cum Hieronymus, quamvis tacito ejus nomine, faciat mentionem

AUBERTI MIRÆI SCHOLIA.

(720) S. Timothei passio, sub nomine Polycratis episcopi Ephesini, edita est jam olim a Jacobo Fabro Stapulensi. Fit in ea mentio Irenæi Lugdunensis episcopi; ex quo colligi datur non posse eam attribui Polycrati, qui Timotheo post Onesimum successit. Certe nec Eusebius in *Hist. eccles.* nec Hieronymus cap. 45 in Catalogo, ubi de Polycrate agunt, hujus scriptionis meminerunt.

(721) Vide Honorium Augustodunensem, lib. 1, c. 16.

A operis ejus; Gregorius vero in homilia Evangelii faciat mentionem operis ejus et nominis. Scripsit autem ad Timotheum Ephesiorum episcopum De hierarchia cœlesti, id est de ordinibus angelorum; ad eundem De hierarchia ecclesiastica; ad eundem De divinis nominibus, et De symbolica theologia; ad eundem De mystica theologia. Scripsit ad Gaium, Quomodo Deus quadam ignorantia cognoscatur vel videatur; ad Polycarpum, Quomodo contradictores veritatis sint declinandi. Scripsit epistolam ad Apolloniam, philosophum et coævum suum, recolens quod cum ipse cum eo esset in Heliopoli, urbe Ægypti, viderit obscurato sole mundum obtenebratum fuisse in sexta feria, sexta hora diei, cum Jesus Christus penderet in cruce, cum ipse Dionysius esset tunc annorum triginta. Scripsit ad Theophilum de ecclesiasticorum ordinum ordine, et sacerdotum excellentia. Scripsit ad Joannem apostolum, in Pathmos insula exiliatum, prædicens cum esse reversurum in Asiam. Scripsit et ad alios alia, quamvis brevia, tamen mystica et divina. Volumen ejus scriptorum vocatur *Hierarchia*. Hic martyrizatur sub Domitiano imperatore, in urbe Galliarum, quam condidit Isius, eamque de Isio denominavit Parisium (721).

CAP. V. Linus, primus post Petrum papa, scripsit Græco sermone martyrium Petri et Pauli, uno die passorum, et Ecclesiis Orientalibus destinavit (722).

(722) Sub nomine Lini papæ, in Bibliotheca veterum Patrum duo exstant libelli de Actis seu martyrio SS. apostolorum Petri et Pauli. Sed narratio illa, quæ hodie quidem exstat, est prorsus fictitia, multosque errores continet, ut Baronius in gestis anni 69, Bellarminus in Catalogo, et lib. 11 De pontif. Rom., c. 9; Possevinus in Apparatu sacro, et Claudius Espensæus lib. vi De continentia, cap. 11, docent. Vide Hieron. de S. E., c. 15.